



partii naleraq

UKA 2015/40-01

22.10.2015

Danskit ilinniarnermi siuariartornissaq pillugu nutarterinerat ilinniagaqartunut nunatsinneersunut Danmarkimi najugaqartunut danskit ilinnigaqarnermi tapiissutigisartagaannit pissarsisinnaatitaasunut sutigut aalangersimasutigut qanoq kinguneqarsimaneranik misilittagaasimasut pillugit danskit naalagaaffianni pisortanut paasisassarsioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inuit Ataqtigiit Inatsisartuni ilaasortaataat).

Inuit Ataqtigiit inatsisartuni ilaasortaataasa siunnersuutaat, tassa Danskit ilinniarnermi siuariartornissaq pillugu nutarterinerat ilinniagaqartunut nunatsinneersunut Danmarkimi najugaqartunut danskit ilinnigaqarnermi tapiissutigisartagaannit pissarsisinnaatitaasunut sutigut aalangersimasutigut qanoq kinguneqarsimaneranik misilittagaasimasut pillugit danskit naalagaaffianni pisortanut paasisassarsioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut Partii Naleqqamiit imannak oqaaseqarfigissuarput.

Partii Naleqqamiit soorunami soqutigisatta ilagilluinnarpaat, ilinniartortatta aamma danmarkimiittut sapinngisamik pitsaanerpaanik atugassaqartinneqarnissaannut suleqataajuarnissarput.

Taamaammat maannakkut ilinniartortavut danmarkimiittut aammalu aaqqissuussineq nutaaq atorlugu danskit ilinniagaqarner siutaat atorlugit ilinniagaqarner siuteqartitaasut qanimut malinnaaffiginissaat pisariaqartoq Partii Naleqqamiit isumaqarpugut.

Taamaattumik aamma assut soqutiginarpoq, danskit ilinniagaqarner siuteqartitsinerat pillugu allannguuteqartoqaraangat, allannguutit ilinniartunut nunatsinneersunut qanoq sunniuteqarner sut paasissallugit.

Tassami kissaatiginangeqaaq, nalaatsornikkut immikkorluinnaq ittunik pisoqartillugu tamakku ilinniartortatsinnut ajorluinnartumik kinguneqaratarsinnaaner at. Aammalumi tusaamasat naapertorlugit ilinniartut ilaat taama misigisaqartareersimapput, tassa nunatsinniit danmarkimiilluunniit ilinniagaqarner siutinik pisinnaajunnaartoqareersimavoq, taamaalillunilu ilinniartoq nammineerluni ilinniarnerni akiliisariaqalersimalluni.

Partii Naleqqami isumaqarpugut, taama pisoqartillugu piaarnerpaamik aaqqiisutissamik suliaqartoqartariaqartoq, nunatsinniilluunniit akiliisoqassangaluarpat, pingaarnerpaavoq ilinniagaqartup ilinniakkaminik unititsiinnarani ingerlatsiinnarnissaa.

Taamakku tunngavilersuutigalugit siunnersuut Partii Naleqqamiit taperserparput, pisariaqassappallu ataatsimiititalimi suliarineqarnissaa inassutigalugu.